



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Dominica infra octavam Nativitatis B. V. M. mellifluum Nomen Mariæ

[urn:nbn:de:hbz:466:1-52716](#)

Dei obliviscamur, quinques hodie communicabimus spiritualiter, præsertim ad utramque refectionem. Quinques & Psalmum orabimus : *Lætatus sum in his, quæ dicta sunt mihi.* Jesu ! nolo vivere sine te.

Festum Sacratissimi, & Mellifui Nominis Mariæ.

EXHORTATIUNCULA I.

Flectamus genua ò Mariophile! quoties pronuntiabitur Nomen Mariæ. Non enim infortunium est ullum (loquitur S. Anselmus) non est periculum, quod non à nobis averrat hoc Nomen. O nos modicæ fidei! Cur Mariam non invocamus? Vult adesse cunctis obsecrationibus nostris, in cuius manibus verè reposita est omnium salus.

Instructio meritoria.

Desidiam emendemus, & Mariam jupiter imploremus. In reverentiam cantti Nominis, quoties illud audierimus pronuntiari, toties quam humillimè inclinatò capite Matrem salutemus. Pro

Z 5

op-

538 Dominica infra Oct. Nativ. B. V. M.

opportunitate tamen temporis dicamus
amorosum Rhythnum : *Omni die dic
Mariæ, mea laudes anima.* Vel co-
gitare Mariam , salutare est.

II.

Grande Nomen Maria ! quis hoc
offendere, contemnere audebit? O
dilecte ! Sæpe sæpius offendimus, illud
in vanum sumendò. Heu ! tremunt
dæmones , dum audiunt: Et ad risum,
ad levitates applicet homo ? Majestas
Mariæ terreat, si Amor non alliciat!

Instructio meritoria.

Citò satisfaciamus! Deprecemur fle-
xis genibüs, corpore dein prostrato cul-
pam dicamus, novisque honoribus
coronemus Natalizantem. Quibus?
Quinque psalmos oremus exprimentes
quinque primas Mariæ litteras nimirum
Magnificat. *Ad Dominum.* Retribue
servo tuo. *In convertendo.* *Ad te le-
vavi.* Porrò in cultum cuiuslibet lit-
teræ quinque actus exerceamus, & ex-
ercitos Ven. Patri spirituali extra-
mus post octavam peractam. Amor
otiari non debet.

III. De-



III.

Devotè non potest nominari Maria,
sine nominantis utilitate. Ita S.
Bonaventura. En! causam temporis,
& naufragiæ sub invocatione Mariæ. De-
bet devotionis affectus; Ideò & dulce-
dinis fructus. Sed quid hoc? Nauseare
Mariam. Fili! Ergò non nobis nota
Catharinæ senensis sententia dicentis:
Maria est à Deo electa, parata, &
posita tanquam esca dulcissima ad ca-
piendos homines?

Instructio meritaria.

Desidiam, & socordiam tantam non
redimamus? Absit! Dies est, hora est,
festivitas magna est: Non negligamus.
Quoties ergò imaginem Beatissimæ Ma-
tris transibimus, mediò genu flectentes
dicamus: *Dignare me, laudare te Vir-
go Sacrata!* In satisfactionem verò ir-
reverentiarum omnia tria offeramus S.
Rosaria in honorem quindecim Myste-
riorum, quibus plurimum honoratur
Nomen Mariæ. Vivat Maria in corde!
Vivat in ore!